

All Lügen, Ketzerey, vnd Irthumb  
 Inn einem itzlichen Biöthumb  
 Auß mutwil woln sie Vns zwingen  
 Vnd mit gewalt dahin bringen  
 Das wir der Juden Affen  
 Die Opffer vnd Mesöpfaffen  
 Widder einsetzen söllen  
 Vnd sie widderumb lassen brüllen  
 Inn vnser Kirchen vberal  
 Des Paps Messen mit grossen schal  
 Vnd jm sonst gehorsam leisten  
 Inn seinen Gsetzen am meisten  
 Das können vnd woln wir nicht thun  
 Wenn man vns gleich geb ein Caphun  
 Das feister vnd herrlicher wer  
 Den der gantzen Welt macht vnd ehr  
 Christo wollen wir ghorfam sein  
 Sein Wort vnd Befehl halten rein  
 Da wollen wir fest bey bleiben  
 Wenn sie Vns gleich solten auffreiben  
 Es dürfft vorwar nicht viel tobens  
 Denn all Artidel des Glaubens  
 Gleuben, predigen vnd bekennen wir  
 Das bezeugen wir fur Gott dir  
 Sollen wir denn darumb sterben  
 Vnd an leib vnd gut verterben  
 So gesche dein Göttlicher will  
 Heimlich verborgen jnn der still  
 Wie dein gewohnheit allzeit ist  
 Dazu du ein rechter Meister bist  
 Das woln wir dir besöhlen han  
 Du bist der HErr ders wol machen kan.

ENDE.

### Herzog Heinrich von Braunschweig. [rv.]

Neuwe Muntze schlag ich  
 Die Kasten vol hab ich  
 All Eigenwillisch widder mich  
 Herzog Heinrich bleib ich.